

雙溪集附遺言

一



雙溪集附遺言

二



雙溪集
附遺言

三



東漢書卷之九

九



20010

雙

溪

集

附
遺
言

一

蘇小
拙撰

中
華
書
局

29011

雙

溪

集

附遺
言

二

蘇
籀
撰

中
華
書
局

20012

雙

溪

集

附遺
言

二

蘇
縮
撰

中
華
書
局

29012

叢書集成初編

雙溪集附遺言 三冊

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

雙溪集

此據粵雅堂叢書
本排印初編各叢
書僅有此本

雙溪集卷第一

眉山蘇籀仲滋

古律

次韻大父曬麥

西郊歲種十畝麥。自笑不耕惟坐食。吾人一飽已天幸。此外何心更求得。我田長熟無旱潦。玉粒收來堅且好。豈同豪右執券契。虛取多求急於盜。我家治生無奇功。累世守此慈儉風。倉困不滿非所恤。冒暑一曬安敢慵。長空不見纖雲起。沽酒烹雞會鄰里。炎暍不厭塵滿身。冷餅行看冰上齒。閒居捨此一事無。徇時干祿姑捨諸。信知爲農自足樂。秦相未必賢牽盧。

大父令賦舊扇

裁紈當團扇。當暑不離手。炎涼一推遷。委擲昏塵垢。蒙蒙縈蛛網。闌闌迷遠岫。人情逐時移。浪自分好醜。一朝被收錄。已迫朱明候。開篋振浮埃。清風亦生袖。有愛必有憎。無新故無舊。可憐漢婕妤。涕泣將爲咎。賢哉楚令尹。無欣亦無詬。

大父令賦捕魚

寒魚不樂水。遇汕輒來依。溪邊蕤笠翁。智深魚莫知。網罟既不設。釣竿亦罷攜。蕭然徒手來。一一收無遺。

幽人買魚食，心亦憐魚癡。蚤知烹割苦，寧如在流澌。世人豈異此，外物常見羈。好在李斯犬，當觀莊子犧。

咸陽縣令求清渭樓詩，和何子應長句。

秦如蒹葭未飽霜，四維不舉空豪強。神疲鬼乏赴功利，兆自襄公終始皇。富極薰天力斡地，諸侯西來誰敢當。范雎李斯乘利勢，蒙鷺白起先戎行。韓盧前奔宋鵠舉，角逐海內如驅羊。干戈取之刑法治，舉事夸淫惟快意。時移數盡非徒然，直筆汗青遭唾毀。咸陽宮殿無尺瓦，直抵南山是禾稼。山巔觀闕總成塵，清渭東流無晝夜。昔時此水貫宮垣，今日淪漣縣樓下。無復秦娥洗粧水，時有村童飲牛馬。秋波冷泠泛紅蕖，春天波蕩桃花節。清名不與世榮辱，混濁何嘗妨至潔。八川分流皆異態，七澤胸中無芥蒂。直須面面倚危欄，彈指雍州原野大。樓中有客雍門彈，坐上悲歌擊樽壞。何侯精采如琳琅，攜詩揖我謂我臧。我今爲子登樓賦，書版一諷悲興亡。

次韻范氏子園居卽事三首

媚蘭多畦畹，黨竹論尺尋。倦矣一枝足，卓哉千里心。氣含湖海姿，名掛熊虎林。長髯冒世累，禿鬢微霜侵。雕鑽久已休，潛伏恨不深。亭邱近來趣，何止如山陰。

其二

沼沚清漣生，云云復浼浼。饜清飯不足，歡賞心無餒。金絲撚條柯，酥蠟滴趺蕾。櫻桃與芍藥，春事卜貞悔。

其三

花開且復謝。迴首悲今昨。席月吹參差。臨芳傾鑿落。莎蘋藉醉枕。風竹驚眠覺。賓僚上馬去。鳥鳥相呼樂。春光在木杪。花絮相紛薄。酒到忘醇醪。客來無善惡。

耕者得古玉指環一首

百世繁榮墮劫灰。淒涼斷簪并擘釵。淑顏窈窕亦塵俗。指環耕出田中來。野人辛勤務稼穡。兩手龜拆闢草萊。未知此環竟安用。但訝光采尤奇瑰。王孫捉麈不辨玉。手面膏拭無纖埃。柔荑纖纖擢紺袖。五雲書勢高崔嵬。金撥收聲餽犀筋。冰過紅芽誠妙哉。指環不肯貧家售。東鄰女貧人道醜。巧粧墮馬長掃眉。五色紅箴工組繡。古人製器知爲誰。今時豈乏春風手。春蔥銀甲深藏袖。借老賦詩須我友。

游寒谿次醅字韻題九曲亭一首

幅巾戲漉彭澤醅。尺書閒覓來禽栽。東坡居士五年久。真主未遽求鹽梅。扁舟夷猶水刻窟。雙履禿缺峯峨嵬。招揖西山與東魯。迴首閭闔并玉臺。標榜高堯方外景。不染時世毫端埃。倚空千重翡翠蓋。落日萬頃琉璃堆。興酬魚鳥安樂國。喜溢僕馭陶家壘。惜哉二老削舊迹。不論石上與牆隈。磻岸橫舟昔時處。刻劃獨免漫蒼苔。梵剎青蓮舊僧社。徑遂巖合無人開。方今九原如可作。足使四海無彫摧。封章千載垂可否。玉堂黃閣猶儋雷。精義窮神致實用。不變生死無去來。天下書生踐遺跡。棠蔭處處思賢哀。

次韻答晁以道見贈二首

骨髓藏藏萬古謀。畔牢愁思不禁秋。常憐屈宋鳴中古。不遇邱軻放一頭。文賦東坡推典麗。簡書西路失

歸休看公議論方游夏。豈數蘇州與柳州。
玉井之泉汲又新。腐陳收拾已空困。鐵牛城下三年服。剗見仇池社裏人。

次韻范機宜感懷

珪組紛紛蟻慕羶。徇人可否冀趨遷。傷哉遠客疲中國。慟矣長星出五天。晉楚春秋書失國。惠昭徒取竟
言旋。朝廷得士爲強弱。郭隗來歸不首燕。

送王機宜歸襄陽侍下一首

乃公振旅來。河隴新奏捷。詩禮壯齋境。荊州初妥帖。王郎賦緇衣。且莫刷燕越。從容挽六鈞。遊返記三篋。
賞奇必先覩。語怪尤欣愜。樵徑曳斑杖。僧窗敷白氈。解頤千慮卻。爬癢衆賓厭。轅門熊虎士。鐵面竦長鬣。
椎牛赴大醜。割肉揮長鋏。酸寒商公邑。會我縈仕牒。兒啼羹不糝。女瘦裙剩摺。嫉邪髮衝冠。憂國鬚屢緜。
侯家有美載。寒冬相煖熱。驪裹帶青萍。於菟包瓊甲。風磴好扶輪。冰溪多病涉。淒涼熊耳下。小雪輕塵浥。
升堂語君公。浚治千樓堞。勉勉足兵食。孜孜撫疲茶。政成在簡易。可大賢人業。

黃筌畫金盆鴿孟蜀屏風者也一首

孟氏觀闕嘗鮮新。蚪蚪棋檟翔青冥。可憐當年百事足。鬼眼未遽窺高明。鋪首倉琅百樓登。寶簾珠帶關
銀屏。風臺露榭蔽錦纈。朝朝莫莫吹竿笙。鵝溪白蘚冰雪清。黃史氍筆研丹青。屏間觀者誠粲者。醉頰融
煖蘭膏勻。金盆滴取宮桃露。點黠鉛朱三昧處。融怡宿粉暈嬌紅。一片辭枝三月莫。妙趣忘言心獨覩。花

好更教宮女妒。綵翎降趾戲宮廷。啄哺馴和謝籠籟。跖石窺盆刷羽儀。天樂鳳簫籌欲舉。智者創物仁者守。何嗟及矣何追咎。當年高岸尚微茫。零落萍蓬入誰手。華堂粉壁倚叉竿。五十年前亡是叟。細說盈虧閱今古。我曹知愛當知惡。此閒風韻出成都。花上杜鵑啼最苦。見之坐右久彌新。咄咄庸工難與語。

避地詠史一首

量力難貪督亢圖。獨亭致地禍來歟。摸金公子驅長戟。割地先生醉墮車。乘傳有人延劇孟。運籌何術困由余。鬼方政賴高宗克。雅信周公無逸書。

東坡三絕句

門庭桃柳人人護。焚屋新遭盜跡餘。鄰社蕭條近尤劇。孫孫子子寶公書。嶺背甘泉陵谷遷。危亭圓顧尚依然。春蘭秋菊無終古。地上居人世世賢。爲文赤壁并黃坂。奇韻平生想象中。延目練江嗟逝水。舉頭碧落看飛鴻。

過故丞相呂汲公墳刹二首

元祐推諸弼。乾坤豈小康。曹參尚清淨。蕭傅性剛方。報國無遺恨。興邦舉舊章。累年公議白。名與日星光。

其二

纏綿思舊賦。沈痛八哀篇。宇宙門人盡。謀國史傳高。閱人莫及。何代獨無賢。欲說源流遠。還應筆似椽。

南溪太息一首

東坡曾賞雨溪雪。他日流芳好事孫。寒侵稜稜裹嵩岱。髮端憤憤寒乾坤。赤囊政爾勞邊吏。白羽多應落酒樽。太息九原何可作。逸才誰敢賦招魂。

舟中懷古一首

耀德先王不耀兵。汪洋施澤在生靈。孰違天戒并民欲。不愛邦家嗜虜庭。作俑亂生誠有自。覆車勢合亦難停。山河異境傷王導。雲海高翔羨管寧。願以絲毫裨漢室。豈無弓矢斃胡星。愚翁事業空遺臭。經義分明戰血腥。

次韻陳叔易遠別離三首

晝短宵未明。何朝妾覲君。淚滴九宵雨。愁疑千古雲。鳳藏丹霄晚。鴻遶沙磧遠。樓迴眼波窮。軸折離魂斷。安得葛陂龍。肉骨丹九轉。婦慧弗諳事。謂世無離索。洋洋舊依蒲。逐逐難翳養。衝風遞弱羽。爛漫何鄉落。髮端埒南山。那堪魯酒薄。人力未如何。天公良可託。別情茶無苦。訣語若爲道。日近長安遙。山園烟浪遠。星河通故都。冰雪迫彫槁。迴轅尚茫茫。延頸空矯矯。卜歸付乾策。此策何人抱。

憶雍都一首

秦漢西都誰復加。茂陵賦筆大非夸。西瞻周道平如砥。南揖秦山翠削瓜。電尾風鬣颯逸健。蝟髯鰲面手

高叉兵微將乏初無奈。賊破功成近可嘉。飄泊荆吳最蕭瑟。厭聞胡漢更紛拏。婁賓北樹忘憂酒。侍燕西川沒骨花。縱被薰羹當羊酪。未諳爐舫憶驪騶。

梔子花一首

鏤裁雪羽元同質。合輯龍沈更一家。氣襲禪僧鼻端白。葩敷溪女鬢脣斜。牽縵薜色誠虛幻。結習因緣可歎嗟。芍藥調和傳漢殿。醅醲脂澤有渾邪。

鑒裁一首

喬公評老瞞。謫仙奇郭令。視遠數十載。偉歟真智聖。破賊此郎子。勿反吾同姓。凡才愚世閒。鑒裁惟其證。大奸初難辨。明者獨深省。若人與斯評。厥重如鐘鼎。紛紛女媧土。安在所譏病。惟賢則知賢。絲亂行將整。掩書在前軒。老眼安敢瞑。

夜飲一首

微生無限死之徒。瓦解絲棼不易圖。一簣區區裨大塊。力行踽踽競長途。韜鈴籌策皆摧折。文籍條綱總闕疎。誰料孟嘉爲謝傅。笑觀蔣幹待周瑜。

去年一首

去年胡來清水巖。黃河狹隘冬凌頑。辰如飄風速如鬼。犬豕淫虐豺狼貪。探馬星奔汗流地。猛士皆裂髮指冠。潼雍見兵不及萬。半闕甲冑屯河邊。隆寒身體例駭瘡。亦復勉強橫戈鋌。它司金縉封雍府。犒軍紙

襖如泥錢。胡人隔水相笑侮。殺身於爾何直焉。同州告急唇齒喻。無兵赴救誠難旃。元戎鈐下兵八百。蒼頭斷養爭後先。廊延詔發五千騎。此日收兵姑自全。平時保甲例烏合。縣符迫促揮空拳。甚哉田夫無鬪志。一夕驚走如寒煙。漢將蒼黃結旌遁。虜騎勢合彌山川。關中控弦誠萬騎。忠臣義士力可宜。書生命運亦蹇劣。我師疲少鄰敵堅。卻憶長安無事日。談及禍亂爲尤愆。飯囊酒壚誇厚福。捧土揭木皆才賢。生靈未悉坐何罪。髓腦塗地尤蒼天。天公誠能祐戎虜。豈復不解與中原。案圖戎索八百郡。我邦日蹙知誰憐。吳中據江恃舟楫。惴惴慄慄聊偷閒。旅人流徙隘城郭。歲事寒薄理勢然。去年往矣不須問。安枕而臥祈來年。

維摩詰一首

盃杓何人執其咎。脅脅卑卑十年臭。邂逅瓊枝解渴心。京洛豈嘗開荳蔻。協山沈水燒春晝。採英擷萼春風手。九迴壘卷紆餘秀。尺六仙圍楚宮瘦。癡狂無限熱肝脾。盛詫櫻桃比垂柳。槁木寒灰不二門。禪道力何妍陋。

偶成二絕

古風未必令人操。老氣休祈大吏歡。捫腹定無奇士術。蕭然且作野人看。
延陵乃有能詩鑿。子路猶爲少讀書。習氣未忘繙簡冊。白頭稽古不應慙。

梅雨一首